



De Turco. 1526. 13. Januarij
A Regi Hungar. 16. Aprilis. e.

10

Die Abschrift aus dem Original

so der Turck sampt dem König Von
Cathey vnd Persien allen Christliche
stenden des Römischen Key-
chs geschrieben haben.

Des Koniges von Hungern

Sendbrieff an Keyserlich Statthalter vnd
Regiment/ zugesagter hulf gegen
Turckischer Tyranny mes-
runge 2c. betreffend.

Die abschrift aus dem Original / so der Turck sampt dem König von Cathay / vnd von Persien allen Christen stenden des Römischen reichs geschrieben hat.

Wir Thesens mit gottis krafft turckischer Keyser zu Ioune Alexandria / Capadotia / Constantinopoli / Dalmacien / Croacien / Boarien zu Salamin vnd leben / König vnd gewaltiger herr Herzoch zu Region Pattalion / Asson / Tyron / Tragalon / Chyon Iconion / Pauon vnd Miletan / vñ vber 19. christliche Königreich / vnd zu Candien / großfürst zu Rodis / Statthalter des mers Oceani / Vnd wir Saladinus aus gottes vorhencknis König zu Cathay vñ Alkeyro zu Jerusalem vnd gantzen Judeam / Lantzfürst der land Galilca Samarien Tartarian Scilicien / Smisian / Pissidion / vñ Pamphilion / vnd landpfleger des grossen mers Pfrada diades / Vnd wir Salamander von gottes willen König zu Persien / zu Syrien Phrygien / Herzog zu Cesarië Tarsen Damasten Phenicen Bythinien vñ Tetrabern / Landt vogt des grossen mers Dhrates Tyberiaades / Entpieten allen vnd izlichen Geystlichen vnd weltlichen / vnd allen stenden des Christglaubigen reichs zu dem Babst / Cardinalen / Primaten / Erzbischouen Bischouen / Conuentē Keyser / Königen / Herzogen / Fürsten vnd Herrn welcher vnd deudtscher nation / allen semplich / Das wyr vns nach wolbehagten radt mit grosser macht so myr vmer vermugē vnd heres krafft also rusten vnd zuschick euch auff das aller ernste vnd hertiste heym zu suchen alenthalben anzugreyffen vnd zu vberziehen / Die weyl wyr den vesten Christen porten Rodis erobert vnd gewaltiglich eyngenomen haben / darnach wyr so lange zeytt gestanden / daran sich auch der Herzog von Achaya aus vnserm Befelch (die weyl wyr auff die Indianer gezogen) ganz vnd gar verkriget / Auch das wyr yedes ynn besunder heyt

berheytt Italischen vnd Lambardischen landes / des kö-
nigreichs Sicilien vnd des reichs Pannonien (welchs
yzt hungern genant wird) recht gebornelehenherrn / erb-
herrn vnd schutzherrn seyn / welche vns lange zeyt her vnd
vnsern vorfarn / vom Babst vnd geystlickeyt furgehal-
den sind / dauon sie denn grosse dignitet gemacht vnd vn-
seglich nutz / dauon empfangen vnd eyngenommen vnd ge-
waltiglich zu sich gerissen / In sonderheytt der Babst zu
Florentz ynn Italien / der Erzbischoff zu Siracusen ynn
Sicilien / vnd der Cardinal zu Gran ynn Ungern / wel-
chen vbermut sie so lang getrieben vnerzelt des schadens /
so wir icerlichen vor Rodis genomen / Auch aus vrsach
des köningreichs Neapolis / welchs yhr auch ynn dreyen
iaren aus vnserm reich zu euch gepettelt / ewers falschen
vnd vnbestendigen glaubens halben / Darumb wir auch
die zeyt ytzund vergangen die Patriarchen / den von Alex-
andria / von Constantinopel / von Anthiochia / vñ Aquil-
leia / von Bethutia / vnd den von Canthuarua / auch dem
Bischoff von Laodicea ym grund vertrieben vñ ver-
iagt haben / welche aus Befelch des Babsts newen glaw-
ben vnd gesetz auffbringen wolten / damit sie landt vñ
vnd leut zu sich brechten / vnd zu letzt silber vnd goldt aus
vnserm land köme / Sind wyr yn also vorkomen / vnd yn
straff des elends gethan / Derhalbenn solche handlung
vnd mercklich streyt noch / izt vorhanden / vnderstanden
Wir wollen auch die propheceyen die von vnser Maieestet
zukunfftig geweissagt volbringen / vnd also nachkomen /
vnd nicht auff hören Christenblut zuuorgiessen vñ gen
Köln / vnd dasselbig gewynnē / Derhalb wollen wir nicht
ym finstern vnd schleychende / sondern scheynbarklich vñ
wie ein sonneglantz kumen / Thu auch solchs offenbarlich
ch kundt mit solchem büeff / das Thesens ic. Turkischer
Keyser vns wollē mit vnser grosser macht durch Ungern
gegen dem östereichischen land heraus gebē / dasselbig her-
tiglich zubekriegen / in hoffnung bis gen Köln / dasselbest
vnser vorfarn zuerheben vnd yhre monumenta zubestettē
A ij gen/

gen/Also wollen auch wir Saladinus Cathayscher Kö-
nig 2c. vnd wir Salamander zu Persien König vns mit
ganzer heres krafft auffmachē/vnd nach dem landt Ita-
lien reysen / guter hoffnung bis gen Rom / daselbst vnd
lang vor gehalten lehen / zu besitzē / vnd vnser zins zufo-
dern / vnd allenthalben aufzrichten / was wir mit Keyser-
licher Maiestet beschloffen haben / Derhalben wollen wir
vnser lang entporen landt widderumb mit dem schwerdt
foddern / vnd darnach mit macht trachten widerumb zu-
erlangen / vnd an irlicher bequemer stadt vnser lehen zu-
thun vnser erbreyll zufodern / vnd vnsern schutz vffs best
wir vermogen zu bereyssen / vnd hynforder handzubabē/
Noch dem wert yhr euch wie oben steth zurichten haben/
Gechehen vnd geben vff vnserm Reichstag zu Trape-
sunt in Grecia den dreytzehenden Januarij ym 26.

Gesandt durch die Legaten vnd
Ambasianer von Trapesunt in
Grecia gen Venedig 2c.

Diser Brieff ist auff Krichische sprach geschrieben gen
Venedig gesandt wordē / vnd daselbst in Latinsche sprach
darnach entlich in Deutsche zungen verwandelt wordē 2c
In dem Sigel ist ein kop gewesen / vnd ein vberschufft
vmb den kop gepreget Kriechisch.

Die stercke Gottes ist aller menschen Sigel.



Ludwig von Gottes gnaden König zu Hungern vnd
Böhen zc. Dem durchleuchtigen Fürsten Friderichē
Herzogen zu Bairn/ Pfaltzgraue bey Keyn/ Keyserlicher
Majestat ym heyligen Keych Regiments Stadthaltern/
vnsern liebsten freunde vnd Ohannen/ Auch Churfürsten
vnd Fürsten/ Geystlichen vnd weltlichen/ vñ andern stän-
den/ des selbē Regiments verordneten Rēden/ vnsern lieb-
sten freunden/ heyl vnd seligkēyt.

¶ Vnsern vordern Brieffen / die wir zu ewer herlichkeit /
am Sonntag Judica aus Pardewitz geben / haben wir
angezeigt / das vnser Oidores widerumb vom gehalten
Keychstag zu Turenberg anhayn kommē / vnd was sie
vns auch von der hulff / so vns vom heyligen Keych zu
rettung vnser Keychs zu Hungern gegen dem Turcken
zugesagt / doch mit condition / maß / vnd versicherung /
vnserer beyder des Hungerschen vnd Böhmischen Key-
chs / welcher condition oder vergewissung / nemlich des
Böhmischen halben / newlich in der vergangen gehalten
versammlung zu Prag gnug beschehen. Dan der Hungern
halben auff dem tag so auff Sanct Georgen tag nechste
komend zu Hungern seyn wirt / sunder zweyfel an verzug
auch beradtschlagt oder entschlossen. Tu habē wir ewer
herlichkeit gepetten / das die zal der zugesagten hulff gemes-
ret wurde / Das yhr auch mit den Fürsten des heyligē Key-
chs handeln wolten / Im fall so sich der Turckisch Key-
ser mit macht widder vns erheben wolt (wie sie dan ver-
sprochen haben) vns mit hulff zuerscheynen / So haben
wir auch gleych wol zur selben zeyt besorgt (als die der
Turcken vbermessige begird zu herschen erkennē) das der
Turck / so er Rodis (die aller vestest stat (gewinnen / alle
seyn macht gegen vns wenden wurt / wie wir dan der sel-
ben zeyt von glaubhafften personen erfarn hetten.

Aber was der selb feyndt ym gemut furgesset / das
sacht erytund an mit der that zuuolbringen / wie wir dan
von den Botschafften aus der Moldaw vnd der Sibens-
A iij Bürger /

Burger / auch vnsern Kundtschafftern / vñ darzu von vilen
so geflohen / oder vortrieben / vergewist seyn. Nun tracht
der Turckisch Tyran / vnd ist begyrig zu herschung der
ganzen welt / vnd vormeynt / wa er vnser Keych zu Hun-
gern eroberte / das zu allen andern Keychen eyn offner
oder freyer zugang were das auch nichts so starck oder so
vest seyn sol / das yme widerstandt thun mög. Er hat au-
ch allem seynem Kriegs volck die er vnder seynem gewalt
hat / gepotten / das sie bereyt seyen / vnd was er auch für
Kriegs volck in Asia gehabt / hat er alle lassen vberschiffen
in Europa / Vnd auch alle gebauren vnd dorffleut / was
were oder waffen tragen mögen / sich zuerheben bevolhen
vnd bestalt / das alle hauffen vnd Kriegs volck ym Philip-
pischen velde zusammen kōmen sollen / welches kaum 10.
tagereys von vnserm Keych zu Hungern gelegen ist / da
sie sich dan yzundt vorsamelen / vnd allerustung vnd an-
schlag / so den veyndt zueroberung vnd verdruckung vn-
sers Keychs not bedunckt / gemacht wurdet. Nun hat er
ym willen den nechstkōmenden Monat anzuzihen / hat
auch auff der Tunaw eyn merckliche schiffung gewap-
pent vnd gerust / die zu wasser angreyffen sollen / also das
wir allenthalben mit veynden vmbgeben / vnd alleyn (wie
dann ewer herlickeyt zuermessen haben) eynem solchen
Veyndt zu schwach seyn / Vñ haben derhalb zu allen Chri-
stlichen Fursten vmb hulff zubegern geschickt / So wer-
den vnser vnderthon vns auch nicht verlassen Aber nach
Gott / haben wir keyn grösser hoffnung odder trost dann
in die Fursten des heyligen Rōmischen reychs / die dann
alleyn vns vnd die ganz Christenheyt / auch die Edelsten
vnd mechtigsten Teutsch Nation / vō dem grymmen Ty-
ramen erreten vnd erlösen mögen.

Darumb so bitten wir ewer herlickeyt / sie wollen dises
Turckischen Tyrannen furnemen / vnd so grosse rustüg /
den Fursten des heyligen Keychs zum aller beldesten ver-
künden vnd sie warnen / ermanen / vnd bey yhnen anhalte-
ten / das


ten/das sie sich mit krefften rusten wöllen/vnd bereyt seyn
wie sie dann in gemelter Keychs versamlung zugesagt ha
ben/darmit sie vns zuhulff kommen/vnd den Chrißtlíchē
glauben/auch vns vnd vnser Keych (dann die weyl die
selben Keych auff recht/so mag auch Teusch land in rus
he bleyben) nicht verlassen/Vnd so es zeyt wurdet/das
sie mit yhren sighafften Genlin vnd vnuberwintlicher veld
ordnung zihen vnd mit vns den wuterischen Veynde anz
greiffen. Dan wir vertrauwen mit der hulff Gottes/die
hoffart des grausamen vnd wuttenden Veynds/nicht al
leyn zuuerdrucken/sonder auch yhme eyn mercklichen teyl
seyns Keychs abzugewinnen. Aber mitler zeyt wöllen
Ewer herlickeyt nicht vnderlassen/die hulff auff nechsten
Keychstag zu Turenberg versprochen in Hungern zusen
den da mit der vorzug nicht grossen niderlag vnd schadē
gebere. Wir warten von allen orten/all stundt newe kund
schafft von dem zug des Turckischen heres/Was nun
die selben newes bringen/werden wir euch bey tag vnd na
cht zuwissen thun auff das ewer herlickeyt vnd die Fur
sten des Keychs verstehn mögen/wan gegen dem Veynd
anzuzihen sey/Alles fleys bittende das in den selben Fur
sten dises alles zum allerfurderlichsten verkun
den wollet. Geben in vnser Stat Ol
muz/am sechzehenden tag des
monats Aprilis.

Ludovicus manu propria.

Faint, illegible text, likely bleed-through from the reverse side of the page. The text is arranged in several lines and is difficult to decipher due to its low contrast and the age of the paper.







*De Turco. 1526. 13. Januarij
A Regi Hungar. 16. Aprilis.*

10

Die Abschrift aus dem Original

so der Turck sampt dem König Von
Cathey vnd Persien allen Christliche
stenden des Römischen Key-
chs geschrieben haben.

Des Königes von Hungern

Sendbrieff an Keyserlich Statthalter vnd
Regiment/zugesagter hulf gegen
Turckischer Tyranny mes-
runge 2c. betreffend.

[Faint, illegible text, likely bleed-through from the reverse side of the page.]